



Concello de Vigo

PROCESO SELECTIVO PARA A PROVISIÓN EN PROPIEDAD, DE TRES PRAZAS DE FUNCIONARIO DE CARREIRA CONDUTOR BOMBEIRO, VACANTES NO CADRO DE PERSOAL DO CONCELLO VIGO DO ANO 2013, SISTEMA DE SELECCIÓN OPOSICIÓN LIBRE, (O.E.P. PUBLICADA NO BOP 12/05/2016, BASES XERAIS E ESPECIFICAS NO BOP 02/01/2017).

ANUNCIO RESOLUCIÓN PETICIÓN/RECLAMACIÓN QUINTO E SEXTO EJERCICIO DO PROCESO SELECTIVO

O órgano de selección do proceso selectivo para a provisión en propiedade, de tres prazas de funcionario de carreira condutor bombeiro (C2), vacantes no cadro de persoal do Concello Vigo do ano 2013, sistema de selección oposición libre, (O.E.P. publicada no BOP 12/05/2016, bases xerais e específicas no BOP 02/01/2017), en sesión do día 26 de xuño do ano 2017, ACORDO respecto do escrito petición/reclamación presentado, o seguinte:

“1.- Reclamación presentada por Antonio Rodríguez Freitas (doc. 170105111):

a) Solicita acta do quinto exercicio, realizado en fecha 21/05/2017, manobras e habilidade na condución dun vehículo do servizo, para unha posible revisión da puntuación obtida.

Acordo: O secretario do órgano de selección, dentro das súas funcións de asesoramento legal deste conforme a base oitava das xerais que rexen o proceso selectivo (BOPPO 02/01/2017), informa en viva voz do dereito do aspirante, que ostenta a condición de interesado, a acceder ó expediente e obter copia das actas das sesións do órgano de selección conforme ó establecido nos artigos 4.1.b) e 53.1.a) da Lei 39/2015, de 1 de outubro, do procedemento administrativo común das administracións públicas, polo que se debe acceder ó solicitado.

Por tanto, o órgano de selección acorda que polo secretario se remita ó reclamante copia íntegra das actas das sesións correspondentes ó quinto exercicio do proceso selectivo.

b) Solicita a non realización do sexto exercicio, proba escrita de coñecemento de galego.

Motivo: Invoca e reproduce o contido das bases décima e sétima das xerais que rexen o proceso selectivo, manifestando que presentou o CELGA 4 no período de subsanación de erros polo que debe terse por presentada a documentación da titulación esixida en tempo e forma para o proceso selectivo.

Acordo: O secretario do órgano de selección, dentro das súas funcións de asesoramento legal deste conforme a base oitava das xerais que rexen o proceso selectivo, informa en viva voz o seguinte:

- As bases específicas do proceso selectivo establecen respecto ó sexto exercicio, de carácter obrigatorio, aínda que o non superalo non impedirá o seu nomeamento, que consistirá na realización dunha proba escrita de coñecemento do idioma galego, conforme ó previsto na base 10ª das xerais que determinará o órgano de selección co asesoramento do Servizo de Normalización Lingüística, e avaliares de 0 a 2 puntos, e que estarán exentos da relación do exercicio os aspirantes que acrediten posuír o título CELGA 3 ou equivalente homologado aos que se lles asignarán 2 puntos.

- A base décima das xerais, persoal funcionario, que rexen o proceso selectivo (BOPPO 02/01/2017) establece o procedemento para gozar da dita exención nos seguintes termos:

“Estarán exentos da realización deste exercicio os/as aspirantes que manifesten (ou aporten) no prazo regulamentario de presentación de solicitudes, posuír o título CELGA ou equivalente debidamente homologado, corresponde ao nivel de estudos esixidos para participar nas probas de que se trate (...). Para gozar da dita exención, as/os aspirantes deberán, ou ben facer constar na súa solicitude de admisión ás probas de que se trate, que están en posesión

Páxina 1 de 2



Copia auténtica do orixinal - Concello de Vigo

Data impresión: 27/07/2017 13:43

Páxina 1 de 2

Expediente 29943/220

Código de verificación: 28ED4-3482C-8A85A-A4E3B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>



Concello de Vigo

PROCESO SELECTIVO PARA A PROVISIÓN EN PROPIEDAD, DE TRES PRAZAS DE FUNCIONARIO DE CARREIRA CONDUTOR BOMBEIRO, VACANTES NO CADRO DE PERSOAL DO CONCELLO VIGO DO ANO 2013, SISTEMA DE SELECCIÓN OPOSICIÓN LIBRE, (O.E.P. PUBLICADA NO BOP 12/05/2016, BASES XERAIS E ESPECIFICAS NO BOP 02/01/2017).

do CELGA correspondente á praza á que optan, ou ben achegar no prazo regulamentario de presentación solicitudes, copia simple do dito título ou equivalente correspondente, con independencia de que, polo órgano de selección, lle sexa requirido o seu orixinal antes da relación da proba de coñecemento do idioma galego.”

- Resulta evidente que, de conformidade coa citada base, o momento procedimental para poder gozar da dita exención de realizar a proba de lingua galega era ter manifestado na propia solicitude de admisión ás probas posuír o CELGA 3, superior ou equivalente, ou achegar no prazo de presentación de solicitudes para participar no proceso selectivo o devandito título. Trátase, por tanto, dun prazo preclusivo para aporta ou acreditar o referido título transcorrido o cal non resulta admisible a súa presentación ou acreditación.

- No caso concreto que nos ocupa, como comprobou o órgano de selección na sesión anterior o examinar a documentación do proceso selectivo, o reclamante non manifestou na súa solicitude de participación no proceso selectivo posuír o CELGA esixido, nin o manifestou nin achegou o título no prazo de presentación das solicitudes para participar no proceso selectivo establecido dende o 7 ó 27 de febreiro de 2017, polo que non pode gozar da exención de realizar o exame de lingua galega.

- O prazo de dez días hábiles de subsanación de definitivas que se reflicte na base sétima das xerais, persoal funcionario, que rexen o proceso selectivo (BOPPO 02/01/2017) non é aplicable o caso que nos ocupa, xa que tal e como sinala a referida base a “*corrección por parte de quen fose excluído dos defectos a que alude o artigo 68 da Lei 39/2015, do 1 de outubro, do procedemento administrativo común das administracións públicas*” refírese á subsanación nas solicitudes daqueles requisitos esenciais e obrigatorios que motivan a exclusión do aspirante do proceso selectivo e que, dende logo, non é apartación do CELGA.

Neste sentido, o reclamante puido subsanar no referido prazo o motivo que o excluía do proceso selectivo (BOPPO 22/05/2017) “EXCLUÍDO (2) por non acreditación da identidade mediante copia simple do DNI/NIE”. Fíxese o reclamante que se houbera presentado a copia do DNI coa instancia resultaría admitido e, por tanto, non tería nada que subsanar o que evidencia que, no caso que nos ocupa, a aportación ou manifestación de posuír o CELGA non é requisito de admisión da súa solicitude.

Por tanto, con fundamento no informado polo secretario, o órgano de selección desestima a reclamación presenta debendo o aspirante realizar o sexto exercicio do proceso selectivo: proba escrita de coñecemento do idioma galego.

Así mesmo, o órgano de selección lembra ó reclamante que este sexto exercicio, proba escrita de coñecemento de idioma galego, é de carácter obrigatorio, non eliminatorio, de tal xeito que non presentarse a realización do exercicio, previsto para o vindeiro 28 de xullo de 2017, ás 11:00 horas, na sala anexa á do Pleno sita no andar primeiro da casa do Concello de Vigo, implicará a súa exclusión do proceso selectivo. “

O que se fai público para xeral coñecemento
Vigo, na data da sinatura electrónica
O secretario do órgano de selección

Secundino Otero Faílde

Páxina 2 de 2



Copia auténtica do orixinal - Concello de Vigo

Expediente 29943/220

Data impresión: 27/07/2017 13:43

Páxina 2 de 2

Código de verificación: 28ED4-3482C-8A85A-A4E3B

Pode validar e/ou obter copia electrónica do documento utilizando o código QR da esquerda ou o código de verificación na dirección da sede electrónica <http://www.vigo.org/csv>